

**Bosna i Hercegovina**  
**FEDERACIJA BOSNE I HERCEGOVINE**  
**FEDERALNO TUŽILAŠTVO**  
**FEDERACIJE BOSNE i HERCEGOVINE**  
**S A R A J E V O**  
**BROJ: A-90/03**  
**Sarajevo, 11.02.2004. godine**  
**NM/KŠ**

**KANTONALNIM TUŽILAŠTVIMA OD 1-10**  
**n/r Glavnih kantonalnih tužilaca**

*Na osnovu člana 9, 20 stav 1 i člana 23 Zakona o Federalnom tužilaštvu Federacije Bosne i Hercegovine ("Sl. novine FBiH", broj: 19/03), donosim*

**OBAVEZNO UPUTSTVO**

*Federalno tužilaštvo Federacije BiH će u sklopu svoje nadležnosti pružati potrebnu stručnu pomoć svim kantonalnim tužilaštvima u Federaciji Bosne i Hercegovine.*

*Međutim, primijećujemo da je u praksi učestala pojava, da se pojedini tužioci iz kantonalnih tužilaštava obraćaju Federalnom tužilaštvu Federacije BiH s molbom za pružanje pomoći u predmetima sa kojima su zaduženi, te da se iz tih obraćanja ne vidi da li su prethodno obavljene konsultacije sa glavnim kantonalnim tužiocem i njegovim zamjenicima ili da li je o tom problemu raspravljao stručni kolegij kantonalnog tužilaštva.*

*U cilju ujednačavanja prakse i pravilnog postupanja kantonalnih tužilaštava, nalaže se svim glavnim kantonalnim tužiocima da u takvim ili sličnim situacijama prethodno razmotre na kolegiju tužilaca problem koji se pojavio u pojedinim predmetima, te da tek tada, ukoliko je potrebno, traže mišljenje Federalnog tužilaštva Federacije BiH i to na način da se u zahtjevima za pružanje stručne pomoći prvo sažeto opiše činjenična osnova, precizno odredi dilema ili problem u vezi kojih se traži stručna pomoć, prezentira stav kantonalnog tužioca koji je radio na predmetu, stav kolegija tužilaca koji je zauzet povodom tog pitanja i postavi jasno i precizno formulisan upit prema Federalnom tužilaštvu Federacije BiH.*

*Takav način obaveznog postupanja olakšat će rad Federalnog tužilaštva Federacije BiH, poboljšati efikasnost postupanja istog i pospiješiti efikasno dostavljanje stava i mišljenja Federalnog tužilaštva Federacije BiH po naznačenom spornom pitanju.*

*S poštovanjem,*

**GLAVNI FEDERALNI TUŽILAC**  
**Zdravko Knežević**